



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 21. Peccatori omnia cedunt in malum.

[urn:nbn:de:hbz:466:1-79369](https://nbn-resolving.org/urn:nbn:de:hbz:466:1-79369)

laserunt; iustitiæ divinæ rigorem, poenarum cernunt aeternitatem; lacrymis, & contritione, cor perfundunt. Sol vapores à terra elevat, ex quibus fit pluvia; sic intellectus, sol noster, ex conspectu malis vapores quosdam elevat; ex quibus pluvia salutis oritur lacrymarum. Barradius t. 3. l. 7. c. 9. D. 9. Pent. Notasti duo, *videns flevit*. O anima! si videres, fletes: sed quia non vides, ideo non fles. Ramírez in ep. 7. Apoc. 3. 17. *& nescis, quia tu es miser*. Quis non fletet super Jerusalem, qui illam, & fines ejus, perfectissimè videret, ut Jesus vidit. Nemo sic potest lapidescere; qui si res videret, & bene cognosceret, quæ circa se sunt, aliud nollit, quam copiosas lacrymas fundere. Flets aiebat Christus, *si cognovisses & tu*; quasi ideo secum non fleant, quia secum non cognoscunt. Baeza t. 2. l. 12. c. 5. Perversa anima, rebus presentibus dedita, in terrenis voluptatibus resoluta abscondit sibi mala sequentia: quia videre futura refugit, quæ presentem lætitiā perturbant: dumque in presentis vitæ delectationibus se deserit; quid aliquid, quam clausis oculis ad ignem vadit. S. Gregor. hom. 39. in Evang.

Si cognovisses & tu. Luc. 19. 42. Subaudi eversionem, quæ tibi imminet; & tu fletes, quemadmodum ego. S. Gregor. hom. 39. Si cognovisses mala, quæ imminet; & tu quæ fletes. S. Paschas. in Thr. 3.

Initium salutis est, sua intelligere, & flere peccata. S. Hieron. in Il. 15.

Cito culpa, quæ cito cognoscitur, corrigitur. V. Beda hom. die Ciner.

Et legimus, & experientiā probatum est: si quem Deus permitteret videre peccata sua, sicut ipse ea videt; mox præ dolore rumpendum cor illius, aut sensibus eum destituendum: ubi aspiceret, quantā injuriā, & contemptu, affecerit Creatorem, ac Redemptorem, Deumque, ac Dominum suum: & quam indignè, turpiterque deformaverit nobilem, speciosamque animam suam. Blossius p. 3. marg. spir. c. 2.

§. XXI.

Peccatori omnia cedunt in malum.

Quidquid masculini sexus natum fuerit, in flumen projicite. Ex. 1. 22. Non timet inauditum patrare delictum, ut vitet periculum, quod fuerat stultè suspicatus. Moyses parvulus immergitur aquis; sed Dei jussu fluvijs parcebat infanti; ut Pharaoni à fluvijs tristis emergeret casus. Regis filia &c. Ex. 2. 10. *vocavit nomen ejus Moyses*. Hujus pueri operā usus est postea Deus, ut refractarios puniret. A fluvijs, quem contra legem puerorum constituerat carnificem, emergere debebat damnum: quia à fluvijs gestiebat Pharaon mutuari subsidium; ut per ipsa, quæ sibi putabat commoda, ascisceret detrimenta. Naxera in Jos. 23. §. 26.

Si volueritis gentium barum, quæ inter vos habitant, erroribus adhaerere jam Polyanth. Sacra, Tom. II.

nunc scitote &c. Jos. 23. 12. 13. Quæ homo contra legem, ut vitæ exarbit subsidia; esse solent certissima detrimenta. Stupidus est, quia ab igne exigit glaciem, qui à nive ardorem: nec minus stultus, qui à vitijs mutatur commodum; & à virtute salutis putat oriri dispendium. Hanc veritatem docet Josue; dum, quæ commoda ab illicitis conjugijs, ab improborum consortijs, emergent, populo pandit. *Si volueritis &c.* Naxera hic.

Venistis ad mare: persecutique sunt Egyptij &c. Jos. 24. 6. Mare Hebraeis videbatur infaustum; Pharaonis persecutioni commodum: verum adeo contrarius fuit humano judicio eventus, ut mare Hebraeos securè transmiserit, & digna strage absorberit Egyptios. Idem hic. 28.

David præcepit pueris suis, ut interficerent eos. 2. Reg. 4. 8. 10. Per quæ quærebant lucrum, invenerunt damnum. Id. in Jos. 23. §. 26.

Me expectaverunt. &c. Pl. 118. 95. O infelices expectatores! nescitis quid expectetis. Prosperitatem quaritis; sed adversitatem invenietis. Expectant claritatem, suavitatem, tranquillitatem; sed invenient pro temporali claritate æternalem caliginem, pro suavitate amaritudinem, pro tranquillitate turbinem. De his tribus Il. 59. 9. *expectavimus lucem; & ecce tenebrae*. Job 30. 26. *expectabam bona, & venerunt mihi mala*. Jer. 14. 19. *expectavimus pacem. & ecce turbatio*. S. Bonaventura hic.

Collegerunt Pontifices, & Pharisei, concilium. Joan. 11. 47. Concilium ineunt, ut inferant mortem; non unde poterant accipere vitam. Mortuum quadriduanum revocavit ex mortuis. Et ob id ipsum venantur ad necem, quia mortis imperium destruebat. Et, quod eis, cæterisque Judæis, debuit esse causa fidei, occasio perfidiæ fuit. Semper enim divino, iustoque judicio agitur, ut perveris recta veritatur in malum. Sim. Cals. l. 11. c. 45.

Sicut, secundum Apostolum Rom. 8. 28. *diligentibus Deum omnia cooperantur in bonum*; ita non diligentibus Deum omnia cooperantur in malum. S. Bernardinus t. 1. l. 9. art. 1. *Diligentibus Deum &c.* in tantum omnia, ut etiam aliena mala. Odientibus autem Deum è contrario omnia cooperantur in malum ipsorum; & in tantum omnia, ut etiam bona. Guigo confid. de tranq. animi c. 13.

Cum gallina mille immunditias in sterquilino manducet, omnes ei in bonam substantiam convertuntur, quia bonæ complexionis est. At verò accipitri, qui pectuscula gallinarum edit, omnia in malam carnem, & prorsus ad manducandum inutilem, convertuntur.

Iustus omnia in bonum, peccator omnia in malum, convertit.

Dies Peccator.

o

o

o

o

o

o

o

o

o

o

o

o

o

o

o

o

o

o

o